

音註韓文公文集

七







音註韓文公文集卷第十四

雜文

鄆州溪堂詩

并序鄆音運秦為薛郡漢為東平國春秋齊人來歸鄆誰龜陰田氏之文

有石本者鄆州溪堂詩孟州濟源送李愿序京兆萬年薛公達銘司馬材柳子厚銘縣止劉材路應碑州徐偃王碑華州蒲城胡珣碑西京北邱灌德直碑廣州海神廟碑柳州羅也碑潭州相陰黃陵碑徐州節度掌書記廳石記其間異同皆以石本

為正今文注其下

憲宗之十四年始定東平三分其地以華州刺史禮部尚

書兼御史大夫扶風馬公

今本有摠字

為鄆曹濮節度觀察等

使

漢音上古昆吾之墟前漢西破秦軍濮陽

鎮其地

洪曰三分其地謂析李師道所據十三州為三

鎮馬摠鄆曹濮等州觀察使薛平青州刺史王遂沂州刺史既一年喪其軍號曰天平

軍上即位之二年召公入且將用之以其人之安公也

云以彼人之安於公也復歸之鎮上之二年公為政於鄆曹濮也適

四年矣治成制定眾志大固惡絕於心仁形於色

齊心一力今本作竭心力以供國家之職于時沂密始分而殘其

帥洪曰謂十四年沂海將王并殺其觀察使王遂自稱留後也其後幽

不悅於本于政相扇繼變洪曰謂長慶元年幽州盧龍軍都知兵馬使朱克融

因其節度使張弘靖以反成德軍大將王廷奏役其節度使田弘正以反二年魏博節度使田布自殺兵馬使史思

誠自得復歸於舊徐亦乘勢逐帥自置洪曰謂二年武寧軍節度使王智興

逐其節度使崔羣也置一作署同於三方惟鄆也截然中居今本有四鄰望之四字

若防之制水恃以無恐然而皆曰鄆為虜巢自六十年將

疆卒武曹濮於鄆州今本作曹鄆於濮州一本本作於曹濮州大而近軍所根

抵且驕以一作而易怨而公承死亡之後掇拾之餘剥膚椎

髓公私掃地赤立新舊不相保持一作持萬目睽睽公於此





時能安以治之其功為大若幽鎮魏徐之亂不扇而變此  
功反小何也公之始至眾未孰化以武則忿以今本憾以  
恩則橫去而肆一以為赤子一以為龍蛇憊蒲拜切心罷

音精磨以歲月然後致之難也及教之行眾皆戴公為親  
父母夫叛父母從仇讎非人之情故曰易今本有於是天

子以公今本無為尚書右僕射封今本無扶風縣今本開

國伯以褒嘉之公亦樂眾之和知人之悅而後上之賜也  
於是為堂於其居之西北隅號曰溪堂以饗士大夫通上

下之志既饗其從事陳曾謂其眾言公之畜此邦其勤  
不亦至乎此邦之人繫力佳切公之化惟所令之不亦順

乎上勤下順遂濟登茲不亦休乎昔者人謂斯何今者人  
謂斯何雖然斯堂之作意其有謂而暗無詩歌是不考引

公德而今本無接邦人於道也乃使來請其詩曰  
帝奠九壘與廛有葉有年有荒不今本條河代出之間及我

憲考一收今本正之視邦選侯以公來尸公來尸之人始  
未信公不飲食以訓以徇孰飢無食孰呻孰歎孰寃不問

不得分願孰為邦音年今節根之螟羊很很貪以口覆  
城吹之煦之摩手拊之箴今本之石之膊音拍說文曰薄

氏殺而膊而磔之凡公四封既富以疆謂公吾父孰違公  
令可以帥今本征不寧守邦公作溪堂播播流水淺有蒲

蓮深有蒹葦公以賓燕其鼓駭駭公燕谿堂賓校醉飽流  
有跳魚岸有集鳥既歌以舞其鼓考考公在谿堂公御琴

瑟公暨賓贊稽經誼詩周爰咨律施詩智用不差  
人用不屈谿有蘋芡蘋音類說文其也根浮水而生有龜

韓公口

二

大司馬十一



有魚公在中流右詩一作琴左書無我斃徒故切又音遺此亦皆厭也邦是庥

猫相乳 北平王馬燧

司徒北平王家猫有生子同日者其一母母字無死焉有二子飲於死母母且死其鳴啾啾音伊其一方乳其子若聞之起而若聽之走而若救之銜其一置于其棲又往如之反而乳之若其子然噫亦異之大者夫猫人畜也非性於仁義者也其感於所畜者乎哉北平王牧人以康罰罪以平理陰陽以得其宜國事既畢家道乃行父子兄弟兄弟雍雍如也愉愉如也視外猶視中一家猶一人夫如其其所感應召致其亦可知矣易曰信及豚魚亦其一作類也夫愈時獲幸於北平王客有問王之德者愈以是對客曰夫祿位貴富人之所大欲也得之之難未若持之之難也得之於功或失之於德得之於身或失之於子孫今夫功德如是祥祉如是其善持之也可知已既已因叙之為猫相乳說云爾

進士策問十三首

問書稱汝則有大疑謀及乃心謀及卿士以至於庶人龜筮考其從違以審吉凶則是聖人之舉事與為無不與人共之者也於易則又曰君不密則失臣臣不密則失身幾事不密則害成而春秋亦有譏漏言之詞如是則又似不與人共之而獨遺者也書與易春秋經也聖人是乎盡其心焉耳矣今其文相戾悖如此欲人之無疑不可得已是一說者其信有是非乎抑所指各殊而學者不之能察也



諒非深考古訓讀聖人之書者其何能辨之此固吾子之所宜無讓也願承教焉

問古之人有云夏之政尚忠殷之政尚敬而周之政尚文是三者相循環終始若五行之與四時焉原其所以爲心皆非故立殊而求異也各適於時救其弊而已矣夏殷書存者可見矣至周之典籍咸在考其文章其所尚若不相遠焉所謂三者之異云乎抑其道深微不可究歟將其詞隱而難知也不然則是說爲謬矣周之後秦漢蜀吳魏晉之霸亦有尚乎無也觀其所爲其亦有意云爾循環之說安在吾子其無所隱焉

問夫子之序帝王之書而繫以秦魯及次列國之風而宋魯獨稱頌焉秦穆之德不踰於二霸宋魯之君不賢乎齊晉其位等其德同外黜取捨如長之相遠亦將有由乎願聞所以辨之之說

韓文公

四

大

問夫子既沒聖人之道不明蓋有楊墨者始侵而亂之其時天下咸化而從焉孟子辭而闢之則既廓如也今其書尚有存者其道可推而知不可乎其所守者何事其不合於道者幾何孟子之所以辭而闢之者何說今之學者有學於彼者乎有近於彼者乎其已無傳乎其無乃化而不自知乎其無傳也則善矣如其尚在一作將何以救之乎諸生學聖人之道必有能言是者其無所爲讓

問所貴乎道者不以其便於人而得於己乎當周之衰管夷吾以其君霸九合諸侯一匡天下戎狄以懲京師以尊四海之內無不文其賜者天下諸侯奔走其政令之不暇



而誰與為敵此豈非便於人而一無得於已乎秦用商君之法人以富國以彊諸侯不敢抗及七君而天下為秦使天下為秦者商君也而後代之稱道者咸羞言管商氏何哉庸非求其名不責其實歟願與諸生論之無惑於舊說焉

問夫子之言蓋各言爾志又曰居則曰不吾知也如或知爾則何以哉今之舉者不本於鄉不序於庠一朝而羣至乎有司有司之不之知也宜矣今將自州縣始請各誦所懷聊以觀諸生之志死者可作其誰與歸又曰居是邦也事其大夫之賢者友其士之仁者敢問諸生之所事而作所友者其誰乎所謂賢而仁者其事如何哉言及之而不言亦君子之所不為也

問春秋之時百有餘國皆有大夫士詳於傳者無國無賢

人焉其餘皆足以充其位不聞有無其人而闕其官者春

秋之後其書尤詳以至於吳蜀下及晉魏氏一云吳蜀魏

之亂國分如錙銖上側其切下而朱切八銖為鎰二十四銖為兩莊子累累而不墜則失者錙銖

讀其書亦皆有入焉今天下九州四海其為土地大矣國

家之舉士內有明經進士外有方維大臣之薦其餘以門

第勲力進者又有一作倍於是其為門戶多矣而自御史

臺尚書省以至於中書門下省咸不足其官豈今之一有

不及於古之人邪何求而不得也夫子之言曰十室之邑

必有忠信如丘者焉誠得忠信如聖人者而以委之一云

以大臣宰相之事有不可乎況於百執事之微者哉古之

十室必有任宰相大臣者今之天下而不足士大夫於朝



其亦有說乎

問夫子曰潔淨精微易教也今習其書不識四者之所謂盍舉其義而陳其數焉

問周易之說曰乾健也今考乾之爻在初者曰潛龍勿用

在三者曰夕惕若厲無咎在四者亦曰无咎在上曰有悔

卦六位一勿用一作苟得无咎一有悔安在其為健乎

又曰乾以易知坤以簡能乾之四位既不為易矣坤之爻

又曰龍戰于野一有其血戰之於事其足為簡乎易六經

也學者之所宜用心願施其詞陳其義焉

問人之仰而生者在穀帛穀帛既豐無飢寒之患然後可

以行之於仁義之途措之於安平之地此愚智所同識也

今天下穀愈多而帛益一作賤人愈困者何也耕者不多

韓文十四

六

大田十八

而穀有餘蠶者不多而帛有餘有餘宜足而反不足此其

故又何也將以救之其說如何

問夫子言堯舜垂衣裳而天下理又曰無為而理者其舜

也歟書之說堯曰親九族又曰平章百姓又曰協和萬邦

又曰曆象日月星辰敬授人時又曰洪水懷山襄陵下民

一作其咨夫親九族平百姓和萬邦則天道授人時愁水

禍非無事也而其言曰垂衣裳而天下理者何也於舜則

曰慎一有五典又曰叙百揆又曰賓四門又曰齊七政又

曰類上帝禋六宗望山川徧羣神又曰協時月正日同律

度量衡五載一巡狩又曰分十有二州一作山濬川恤

五刑典三禮彰施五色出納五言嗚呼其何勤且煩如是

而其言曰無為而理者何也將亦有深辭隱義不可曉邪



抑其年代已遠失其傳邪二三子其辯焉

問古之學者必有師所以通其業成就其道德者也由漢氏已來師道日微然猶時有授經傳業者及于今則無聞矣德行若顏回言語若子貢政事若子路文學若子游猶且有師非獨如此孔子亦有師問禮於老聃問樂於苋弘是也今之人不及孔子顏回遠矣而且無師然其不聞有業不通而道德不成者何也

問食粟衣帛服仁行義以俟死者二帝三王之所守聖人未之有改焉者也今之說者有神仙不死之道不食粟不衣帛薄仁義以為不足為是誠何道邪聖人之於人猶父母之于子有其道而不以教之不仁其道雖有而未之知不智仁與智且不能又焉足為聖人乎不然則說神仙者

妄矣

諫臣論

諫一作爭

大玉四十一

卷之十四

七

至

或問諫議大夫陽城於愈可以為有道之士乎哉學廣而聞多不求聞於人也行古人之道居於晉之鄙晉之鄙人薰其德而善良者幾千人大臣聞而薦之天子以為諫議大夫之色以為華陽子木色喜居於位五年矣視其德如在草草字野彼豈以富貴移易其心哉愈應之曰是易所謂恒其德貞而夫子凶者也惡得為有道之士乎哉在易蠱之上九云不事王侯高尚其事以字蹇之六二則曰王臣蹇蹇匪躬之故夫不以所居之時不一而所蹈之德不同也若蠱之上九居無用之地而致匪躬之節蹇之六二在王臣之位而高為不事上之心則冒進之患生曠官之刺與志不可則而尤之不終絕一作無也今陽子實



一匹夫

一本無實匹夫四字趙本

在此字有位不為不久矣聞

天下之得失不為不孰矣天子待之不為不加一作知矣而

未嘗一言及一有於字政視政之得失若越人視秦人之肥瘠

音忽焉不加喜戚於其心問其官則曰諫議也問其祿則

曰下大夫之秩也問其政則曰我不知也有道之士固如

是乎哉且吾聞之有官守者不得其職則去有言責者不

得其言則去今陽子以為得其言一有言字乎哉得其言而不

言與不得其言而不去無一可者也陽子將為祿仕乎古

之人有云仕不為貧而有時乎為貧謂祿仕者也宜乎辭

尊而居卑辭富而居貧若抱關擊柝者可也蓋孔子嘗為

委吏矣嘗為乘田矣亦不敢曠其職必曰曾計當而已矣

必曰牛羊遂而已矣若陽子之秩一作祿不為卑且貧章

章明矣而如此其可乎哉或曰否一若此也夫陽子惡訕

上者惡為人臣招音其君之過而以為名者故雖諫且議

使人不得而知焉書曰爾有嘉謀嘉猷則入告爾后于內

爾乃順之于外曰斯謀斯猷惟我后之德也陽子之用心

亦若此者一有也字愈應之曰若陽子之用心如此茲所謂惑

者矣入則諫其君出不使人知者大臣宰相者之事非陽

子之所宜行也夫陽子本以布衣隱於蓬蒿之下主上嘉

其行誼擢在此位官以諫為名誠宜有以奉其職使四方

後代知朝廷有直言骨鯁之臣天子有不僭賞從諫如流

之美庶崑穴之士聞而慕之束帶結髮願進於闕下而伸

其辭說致吾君於堯舜熙鴻號於無窮也若書所謂則大

臣宰相之事非陽子所宜行也且陽子之心將使君人者



惡聞其過乎是啓之也或曰陽子之不求聞而人聞之不  
求用而君用之不得已而起守其道而不變何子過之深  
也愈曰自古聖人賢士皆非有心求於聞用也閔其時之  
不平人之不义得其道不敢獨善其身而必以兼濟天下  
也孜孜矻矻死而後已故禹過家門不入孔席不暇暖而  
墨突不得黔彼二聖一賢者豈不知自安佚之為樂哉誠  
畏天命而悲人窮也夫天授人以賢聖才能豈使自有餘  
而已誠欲以補其不足者也耳目之於身也耳司聞而目  
司見聽其是非視其險易然後身得安焉聖賢者時人  
之耳目也時人者聖賢之身也且陽子之不賢則將役於  
身以奉其上矣若是賢則固畏天命而閔人窮者也惡得  
以自暇逸乎哉或曰吾聞君子不欲加諸人而惡訐以為

卷之二十一

葬文十四

九

至

直者若吾子之論直則直矣無乃傷于德而費於辭乎好  
盡言以招人過國武子之所以見殺於齊也吾子其亦聞  
乎愈曰君子居其位則思死其官未得其位則思修其辭  
以明其道我將以明道也非以為直而加人也且國武子  
不能得善人而好盡言於亂國是以見殺傳曰惟善人能  
受盡一作善言謂其聞而能改之也子告我曰陽子可以為  
有道之士也今雖不能及也陽子將不得為善人乎

改葬服議

經曰改葬總春秋穀梁傳亦曰改葬之禮總舉下緬也此  
皆謂子之於父母其他則皆無服何以識其必然經次五  
等之服小功之下然後著改葬之制更無輕重之差以此  
知惟記其最親者其它無服則不記也若主人當服斬衰



其餘親各服其服則經以言之不當惟云一作總也傳稱

舉下緇者緇猶遠也下謂服之最輕者也以其遠故其服

輕也江熙曰禮天子諸侯易服而葬以為交於神明者不

可以純凶況其緇者乎是故改葬之禮其服惟輕以此而

言則亦明矣衛司徒文子改葬其叔父問服於子思子思

曰禮父母改葬總既葬而除之不忍無服送至親也洪曰

葬示元度改葬其親以問東方士人無知之者余因讀孔叢

子見之舊唐禮儀志云田再思議曰改葬之服鄭玄服總

三月王云非父母無服無服則弔服而加麻此又其著者

也文子又曰喪服既除然後乃葬者則其服何服子思曰

三年之喪未除葬服不變除何有焉然則改葬與未葬者

有異矣古者諸侯五月而葬大夫三月而葬士逾月無故

未有過時而不葬者也過時而不葬謂之不能葬春秋譏

之若有故而未葬雖出三年子之服不變此孝子之所以

著其情先生之所以必其時之道也雖有其文未有著其

人者以是知其至少也改葬者為山崩水涌毀其墓及葬

而禮不備者若文王之葬王季以水齧其墓魯隱公之葬

惠公以有宋師太子少葬一有故字有闕之類是也喪事有進

而無退有易以輕服無加以重服殯於堂則謂之殯瘞倚

切於野則謂之葬近代已來事與古異或游或仕在千里

之外或子幼妻稚不能自還甚者拘以陰陽畏忌遂葬於

其土及其反葬也遠者或至數十年近者亦出三年其吉

服而從於事也久矣又安可取未葬不變服之例而反為

之重服歟在喪當葬猶宜易以輕服況既遠而反純凶

以葬乎若果重服是所謂未可除而除不當重而更重也



或曰喪與其易也寧戚雖重服不亦可乎曰不然易之與戚則易固不如戚矣雖然未若合禮之為懿也儉之與奢則儉固愈於奢矣雖然未若合禮之為懿也過猶不及其此類之謂乎或曰經稱改葬總而不著其月數則以一作三月而後除也子思之對文子則曰既葬而除之今宜如何曰自啓殯至于既葬而三月則除之未三月則服以終三月也曰妻為夫何如曰如子無弔服而加麻則何如曰今之弔服猶古之弔服也

少省試學生代齋郎議

貞元十年應博學宏辭

齋郎職奉宗廟社稷之小事蓋士之賤者也執豆籩駿奔走以役于其官之長不以德進不以言揚蓋取其人力以備其事而已矣奉宗廟社稷之小事執豆籩駿奔走亦不

大正三十一

韓文一四

十一

源楊

可以不敬也於是選大夫士之一字無子弟未爵命者以塞其填闕而教之行事其勤雖小其使之不可以不報也必書其歲歲既久矣於是乎命之以官而授之以事其亦微矣哉學生或以通經舉或以能文稱其微者至於習法律知字書皆有以贊於教化可以使令於上者也自非天姿茂異曠日經久以道以一作進業發聞於鄉閭稱道于朋友薦於州府而升之司業則不可得而齒乎國學矣然一字無則奉宗廟社稷之小事任力之一字無小者也贊於教化可以使令於上者德藝之大者其亦不可移易明矣今議者謂學生之無所事謂齋郎之幸而進不本其意因謂可以代任其事而罷之蓋亦不得其理矣今夫齋郎之一字無所事者力也學生之所事者德與藝也以德藝舉之而以



力役之是使君子而服小人之事且非國家崇儒勸學誘  
人為善之道也此一說不可者也抑又有大不可者焉宗  
廟社稷之事雖小不可以不專敬之至也古之道也今若  
以學生兼其事及其歲時日月然後授其宗彝鬯洗其  
周旋必不合度其進退必不得宜其思慮必不固其容貌  
必不莊此其無它其事不習而其志不專故也此字非近  
於不敬者歟又有大不可者其是之謂歟若知此不可將  
令學生恒掌其事而隨許規切壞其本業則是學生之教  
一作加少學生之道益貶而齋郎之寔猶在齋郎之名苟  
無也夫九制度之改政令之變利於其舊不什則不可為  
已又況不如其舊哉考之於古則非訓稽之於今則非利  
尋其名而求其實則失其宜故曰議罷齋郎而以學生  
薦享亦不得其理矣

大司馬六十八

韓文公一四

十一

楊陝

### 掃祫議

右今月十六日勅旨宜令百僚議限五日內聞奏者將仕  
郎守國子監四門博士臣韓愈謹獻議曰伏以陛下追孝  
一無祖宗肅敬祀事凡在擬議不敢自專聿求厥中延訪  
孝字羣下然而禮文繁漫所執各殊自建中之初迄至今歲屢  
經禘祫未合適從臣生遭聖明涵泳恩澤雖賤不及議而  
志在效忠今輒先舉衆議之非然後申明其說一曰獻懿  
一作之主唐武德始立四廟宜簡公懿王景皇帝元皇帝宜  
廟元中乃詔宣皇帝為獻祖元皇帝為懿祖宜  
永藏之夾室臣以為不可夫祫者合也毀廟之主皆當合  
食於太祖獻懿二祖即毀廟主也今雖藏於夾室至禘祫  
之時豈得不食於太廟乎名曰合祭而二祖不得祭焉不



可謂之合矣二曰獻懿廟主宜毀之一有瘞之臣又以爲不

可謹按禮記天子立七廟一壇一墀音善除地禮記其毀

廟之主皆藏於祧廟雖百代不毀祫則陳於太廟而饗焉

自魏晉已降始有毀瘞之議事非經據竟不可施行今國

家德厚流光創立九廟以周制推之獻懿二祖猶在壇墀

之位況於毀瘞而不祫祫乎三曰獻懿廟主宜各遷于其

陵所臣又以爲不可二祖之祭於京師列於太廟也二百

年矣今一朝遷之豈惟人聽疑惑抑恐二祖之靈眷顧依

違一作不即饗於下國也四曰獻懿廟主宜附於興聖廟

而不祫祫臣又以爲不可傳曰祭如在景皇帝雖爲太祖

其於屬乃獻懿之子一無孫也今欲正其子東向之位廢

其父之大祭固不可爲典矣五曰獻懿二祖宜別立廟於

京師臣又以爲不可夫禮有所降情有所殺是故去廟爲

祧去祧爲壇去壇爲墀去墀爲鬼漸而之遠其祭益稀昔

魯立煬音宮春秋非之以爲不當取已毀之廟既藏之主

而復築宮以祭今之所議與此正同又雖違禮立廟至於

祫祫也合食則祫無其所廢祭則於經一作不通此五說

者皆所不可故臣博採前聞求其折中以爲殷祖玄王周

祖后稷太祖之上皆自爲帝又其代數已遠不復祭之故

太祖得正東向之位子孫從昭穆之列禮所稱者蓋自紀

一時之宜非傳一有後代之法也傳曰子雖齊聖不先父

食蓋言子爲父屈也景皇帝雖太祖也其於獻懿則子孫

也當祫祫之時獻祖宜居東向之位景皇帝宜從昭穆之

列祖以孫尊孫以祖屈求神之道豈遠人情又常祭其頻

列祖以孫尊孫以祖屈求神之道豈遠人情又常祭其頻



合祭甚寡則是太祖所屈之祭至少所伸之祭至多比於  
伸孫之尊廢祖之祭不亦順乎事異殷周禮從而變非所  
失禮也臣伏以制禮作樂者天子之職也陛下以臣議有  
可採粗合天心斷而行之是則為禮如以為猶或可疑乞  
召臣對面陳得失庶有發明謹議

省試顏子不貳過論一云宏辭試

論曰登孔氏之門者眾矣三千之徒四科之目孰非由聖  
人之道為君子之儒者乎其於過行過言亦云鮮矣而夫  
子舉不貳過惟顏氏之子其何故哉請試論之夫聖人抱  
誠明之正性根中庸之正德苟發諸中形諸外者不曰一作  
由思慮莫匪規矩不善之心無自入焉可擇之行無自加  
焉故惟聖人無過故所謂過者非謂發於行彰於言又皆

謂之過而後為過也生于其心則為過矣故顏子之過此  
類也不貳者蓋能止之于始萌絕之於未形不貳之於言  
行也中庸曰自誠明謂之性自明誠謂之教自誠明者不  
勉而中不思而得從容中道聖人一有也無過者也自明  
誠者擇善而固執之者也者字也不勉則不中不思則不得  
不貳過者也故夫子之言曰回之為人也擇乎中庸得一善則  
拳拳服膺而不失之矣又曰顏氏之子其殆庶幾乎言猶  
未至也而孟子亦云顏子具聖人之體而微者皆謂不能  
無生于其心而一有亦字不暴之於外考之於聖人之道差為  
過耳顏子自惟其若是也於是居陋巷以致其誠飲一瓢  
以求其志不以富貴妨其道不以隱約一作窮隱易其心確乎  
不拔浩然自守知高堅之可尚忘鑽仰之為勞任重道遠



竟莫之致是以夫子歎其不幸短命今也則亡謂其不能與己並立於至聖之域觀教化之大行也一有不夫行發於身加於人言發乎邇見乎遠苟不慎也敗辱隨之而後思欲不貳過其於聖人之道不亦遠乎而夫子尚肯謂之其殆庶幾孟子尚復謂之具體而微者哉則顏子之不貳過盡在是矣

與李泌一有書字問小功不稅書

曾子稱小功不稅則是遠兄弟終無服也而可乎鄭玄注云是以情責情今之士人遂引此而不追服小功小功之服最多親則叔父之下殤與適音適孫之下殤與昆弟之下殤尊則外祖父母常服則從祖祖父母禮必人情其不可不服也明矣古之人行役不踰時各相與處一國其不追

陔餘叢考

卷一百一十四

一五

禮

服雖不可猶至少今之人男出仕女出嫁或千里之外家貧計告不及時則是不服小功者恒多而服小功者恒鮮矣君子之於骨肉死則悲哀而為之服者豈有牽於外哉聞其死則悲哀豈有間於新故死哉今特以計告不及時聞死出其月數則不服其可乎愈常怪此近出弔人見其顏色感感一作容類一有於字有喪一作服者而其服則吉問之則云小功不稅也禮文殘缺師道不傳不識禮之所謂不稅果不追服乎無乃別有所指而傳注者失其宗乎伏惟兄道德純明躬行古道如此之類必經於心而有所決定不惜示及幸甚幸甚泥水馬弱不敢出不果鞠躬親問而以書悚息尤甚一作深愈再拜

何蕃傳



太學生何蕃入太學者二十餘年矣歲舉進士學成行尊  
自太學諸生推頌不敢與蕃齒相與言於助教博士助教  
博士以狀升於司業祭酒司業祭酒撰次蕃之羣行焯焯  
音灼明也選焯焯其波者數十餘事以升之於禮部而以聞天子京  
師諸生以薦蕃名爲文說者不可選紀公卿大夫知蕃者  
比肩立歎一本無歎字有莫爲禮部四字爲禮部者率蕃所不合者以是  
無成功蕃淮南人父母俱全初入太學歲率一歸父母止  
之其後間二三歲乃一歸又止之不歸者五歲矣蕃純孝人  
也閔親之老不自克一日揖諸生歸養於和州諸生不能  
止乃閉蕃空舍中於是太學六館之士百餘人又以蕃之  
義行言於司業陽先生城請一有論字文一作論留蕃於是太學闕  
祭酒會陽先生出道州不果留歐陽生詹言曰蕃仁勇人  
也或者曰蕃居太學諸生不爲非義葬死者之無歸哀其  
孤而字焉惠之大小必以力復斯其所謂仁歟蕃之力不  
任其體其貌不任其心吾不知其勇也歐陽生詹言曰朱泚  
之亂太學諸生舉將從之來請起蕃豈蕃正色叱之六館之  
士不能從亂茲非其勇歟惜乎蕃之居下其可以施於人  
者不流也譬之水其爲澤不爲川乎川者高澤者卑高者  
流卑者止是故蕃之仁義充諸心行諸太學積者多施者  
不遐也天將雨水氣上無擇於川澤谿澗之高下然則澤  
之道其亦有施乎抑有待於彼者歟故凡貧賤之士必有  
待然後能有所立獨何蕃歟吾是以言之無亦使其無傳  
焉

答張籍書



愈始者望見吾子於衆人一作人之中固有異焉及聆其音  
穀接其辭氣則有願交之志因緣幸會遂得所圖豈惟吾  
子之不遺抑僕之所遇有時焉耳近者嘗有意吾子之闕  
焉無言僕一有字所以交之之道不至也今乃大得所圖脫  
然若沉痾去體灑然若執熱者濯清風也然吾子所論排  
釋老一有說字不若著書踴躍多言徒相為訾若僕之一作見  
一有者字則有異乎此也夫所謂著書者義止於辭耳宣之於  
口書之於簡何擇焉子孟軻之書非軻自著軻既沒其徒萬  
章公孫丑相與記軻所言者耳僕自得聖人之道而誦之  
排前二家有年矣不知者以僕為好辯也然從而化者亦  
有矣聞而疑者又有倍焉頑焉不入者親以言論之不入  
則其觀吾書一有可字也固將無所得矣為此而止吾豈有愛  
於力乎哉然有一說化當世莫若口傳來世若莫書又懼  
吾力之未至至之不能也三十而立四十而不惑吾於聖  
人既過之猶懼不及矧今未至固有所未至耳請待五六  
十然後為之冀其少過也吾子又譏吾與人之為無實駁  
雜之說此吾 所以為戲耳比之酒色不有間乎吾子譏  
之似同浴而譏裸裎一作體也若商一作高論不能下氣或似  
有之當更思而悔之耳博塞之譏敢不承教其他俟相見  
薄晚須到公府言不能盡愈再拜

重答張籍書

吾子不以愈無似意欲推而納諸聖賢之域拂其邪心增  
其所未高謂愈之質有可以至於道者浚其源道其所歸  
漑其根將食其實此盛德者之所辭讓況於愈者哉抑其



中有宜復者故不可遂已昔者聖人之作春秋也既深其  
文辭矣然猶不敢公傳道之口授弟子至於後世然後其  
書出焉其所以慮患之道微也今夫二氏之所宗而事之  
者下及公卿輔相吾豈敢昌言排之哉擇其可語者誨之  
猶時與吾悖其數噍噍馨么切若遂成其書則見而怒之者  
必多矣必且以我為狂為惑其身之不能恤書於吾何有  
夫子聖人也且曰自吾得子路而惡穀不入於耳其餘輔  
而相者周天下猶且絕糧於陳畏於匡毀於叔孫奔走於  
齊魯宋衛之郊其道雖尊其窮趙作躬也亦甚趙作窮矣賴  
其徒相與守之卒有立於天下向使獨言之而獨書之其  
存也可冀乎今夫二氏行乎中土也蓋六百年有餘矣其  
植根固其流波漫非所以朝令而夕禁也自文王設武王

大五  
韓文十四  
十八  
揚陳

周公成康相與守之禮樂皆在至夫子未久也自夫子而  
至乎孟子未久也自孟子而至乎楊雄亦未久也然猶其  
勤若此其一作困若此而後能有所立吾其可易而為之  
哉其為也易則其傳也不遠故余所以不敢也然觀古人  
得其時行其道則無所為一作書為書者皆所為一作  
謂不行乎今而行乎後出世有者也今吾之得吾志失吾  
志未可知侯五六十為之未失也天不欲使茲人有知乎  
則吾之命不可期如使茲人有知乎非我其誰哉其行道  
其為書其化今其傳後必有在矣吾子其何遠感感於吾  
所為哉前書所謂吾與人商論不能下氣若好已勝者然  
雖誠有之抑非好已勝也好已之道勝也唐史有非好已  
非已之道乃夫子孟軻揚雄所傳之道也傳者之所若不



勝則無所爲道吾豈敢避是名哉夫子之言曰吾與回言  
終日不違如愚則其與衆人辯也有矣駁雜之譏前書盡  
之吾子其復之昔者夫子猶有所戲詩不云平善戲謔兮  
不爲虛兮記曰張而不弛文武不爲也豈害於爲爲一無道  
哉吾子其未之思乎孟君將有所適思與吾子別庶幾一  
來愈再拜

音註韓文公文集卷第十四



音註韓文公文集卷第十五

書

與孟東野書

東野一作郊

與足下別久矣以余心之思足下知足下懸懸於余也各

以事牽不可合并其於人一作他人非足下之為見而又一日

與之處足下知余心樂否也余言之而聽者誰歟余唱之

而和者誰歟言足之而一無之無聽也唱之而一無之無和

也獨行而無徒也是非無所與一作以同也足下知余心樂

否也足下才高氣清行古道處今世無田而衣食事親左

右無違足下之用心勤矣足下之處身勞且苦矣混混與

世相濁獨其心追古人而從今一無今字之人一無人字足下之道

其使余悲也去年春脫汴州之亂幸不死無所與一作歸

遂來于此主人與余有故哀其窮居余干符離睢上及秋

將辭去因被留以職事默默在此行一年矣到今年秋無一

字聊復辭去江湖余樂也與足下終幸矣李習之娶余二

兄之女一作六按習之娶余之妻云卿之子也期

在後月朝夕當來此張籍在和州居喪家甚貧恐足下不

知故具此白冀足下一來相視也自彼至此雖遠要皆舟

行可至速圖之余之望也春且盡時氣日一作熱惟侍奉

吉慶愈眼疾比劇甚無聊不復一一愈再拜一本余皆作吾

愈白愈少驚怯於他藝能自度無可努力又不通時事而

與世多齟齬上林呂切又池所切下音語念終無以樹立遂發憤篤專

於文學文學不得其術凡所辛苦而僅有之者皆符於空

答竇員存亮秀才書

與世多齟齬上林呂切又池所切下音語念終無以樹立遂發憤篤專

於文學文學不得其術凡所辛苦而僅有之者皆符於空



言而不適於實用又重以自廢是故學成而道益窮年老而身愈困今又以罪黜於朝廷遠宰蠻縣愁憂無聊瘡痍侵加喘喘焉無以冀朝夕足下少年才俊辭雅一作清而氣銳當朝廷求賢如不及之時當道者又皆良有司操數寸之管書盈尺之紙高可以鈞爵位若循次而進亦不失萬一趙本無此二字於甲科今乃乘不測之舟一作川入無人之地以相從問文章為事身勤而事左辭重而請一作情字約非計之得也雖使古之君子積道藏德遁其趙作遁世光而不耀膠其口而不傳者遇足下之請一有情懇懇猶將倒廩傾囷一作寄羅列而進也若愈之愚不肖又安敢有愛於左右哉顧足下之能足以自奮愈之所有如前所陳是以臨事愧恥而不敢答也錢財不足以賄左右之匱急文章不足以發足之而已愈白

小五十一 韓文十五 二 楊陳

上李實尚書書 大尹

月日將仕郎前守四門博士韓愈謹載諸本皆作此字拜奉書大尹閣下愈來京師於今十五年所見公卿大臣不可勝數皆能守官奉職無過失而已未見有赤心事上憂國一有字如閣下者今年已來不爾者百有餘日種不入土野無青草而盜賊不敢起穀價不敢貴百坊百二十司六軍二十四縣之人皆若閣下親臨其家老嫗宿臧銷縮摧沮魂亡魄喪影滅跡絕非閣下條理鎮服布宣天子威德其何能及此愈也少從事於文學見有忠於君孝於親者雖在千百年之前猶敬而慕之況親逢閣下得不俟於左右以



求效其懇懇謹一作請獻所為文兩卷凡十五篇非敢以為文也以為謁見之資也進退惟命愈恐懼再拜

賀徐州張建封僕射白兔書

伏聞今月五日營田巡官陳從政獻瑞兔毛質全一作白

天馴音循其心其始實得之符離安阜屯之役夫朝行遇之

迫之不逸人立而拱竊惟休咎之兆天所以啟覺于下依

類記喻事之纖采不可圖驗非睿智博通孰克究明愈雖

不敏請試辯之兔陰類也又窟居狡而伏逆象也今白其

色絕其羣也馴其心化我德也人立而拱非禽獸之事革

而從人且服罪也得之符離符離實我國名又附離也不

在農夫之一有家字田而在軍田武德行也不戰而來之道

也有安附之喜一云有安焉伏惟閣下股肱帝室藩垣天

下四方其有逆亂之臣未血斧躡音其其一作之屬畏威崩析

歸我乎哉其事兆矣是宜具跡表聞以承答天意小

子不惠猥以文句微識蒙念觀茲盛美焉敢避不讓之責

而默默耶一作而愈再拜

上兵部李異一作異侍郎書

十二月九日將仕郎守江陵府法曹參軍韓愈謹上書侍

郎閣下愈少鄙鈍於時事都不通曉家貧不足以自活應

舉覓官凡二十年矣薄命不幸動遭讒謗進寸退尺卒無

所成性本好文學因困厄悲愁無所告語遂得究窮於經

傳史記百家之說沉潛乎訓義反覆乎句讀龍磨乎事業

而奮發乎文章凡自唐虞已來編簡所在大之為河海高

之為山嶽明之為日月幽之為鬼神織之為珠璣華實變



之為雷霆風雨奇辭奧旨靡不通達惟是鄙鈍不通曉於  
時事學成而道益窮年老而身一作益困私自憐悼悔其  
初心髮禿齒豁不見知己夫牛角之歌辭鄙而義拙堂下  
之言不書於傳記齊桓舉以相國叔向攜戶圭切手以上然  
則非言之難為其一作聽而識之者難遇也伏以閤下內仁  
外義行高而德鉅尚賢而一無與能哀窮而悼屈自江而  
西既化而行矣今者入守內職為朝廷大臣當天子新即  
位汲汲於理化之日出言舉事宜一作必施設既有聽之  
之明又有振之之力審戚之歌駸明上子紅切姓也名茂  
必駸之言不發於左右則後而失其時矣謹獻舊文一卷  
扶樹教道有所明白南行詩一卷舒憂娛悲雜以環公回  
怪之言時俗之好所以諷於口而聽於耳也如賜覽觀亦

係四下

卷之二十五

四

有可採一作干黷嚴尊伏增惶恐愈再拜

答尉

音鬱廣韻庸

遲生

一有書

尉遲生足下夫所謂文者必有諸其中是故君子慎其實  
實之美惡其發也不揜本深而未茂形大而殼宏行峻而  
言厲心醇而氣和昭晰下音折明也前者一作無疑優游  
者一作有餘體不備不可以為成人辭不足不可以為成  
文愈之所聞者如有問於愈者亦以是對今吾子所為  
皆善矣謙謙然若不足而以徵於愈愈又一作敢有愛於  
言乎抑所能言者皆古之道一無古之道三字一不足  
取於今吾子其何愛一作何之異也賢公卿大夫在上比  
肩始進之賢士在下比肩彼其得之必有以取之也子欲  
仕乎其往問焉皆可學也若獨有愛於是而非仕之謂



則愈也嘗學之矣請繼今以言

答楊子書

辱書并示表記述書辭等五篇比於東都略見顏色未得  
 接言語心固已相奇但不可果以一作貌定知人堯舜所  
 難又嘗服宰予之誠故未敢決然搨亦不敢一作忽然忘  
 也到城已來不多與人往還友朋之中所敬信者平昌孟  
 東野東野吃吃一作說足下不離口崔大敦詩不多見  
 每每說人物亦以足下為處子之秀近又得李一有翱書  
 亦云足下之文遠其兄甚矣一無夫以平昌之賢其言一  
 人固足信矣况又崔與李繼至而交說邪故不待相見相  
 信已孰既一有相見不要約已相親審知足下之才充其  
 容也今辱書乃云云是所謂以黃金注重外而內感也然  
 恐足下少年與僕老者不相一無類尚須驗以言故具白  
 所以一有而今而後不置疑於其間可也若曰長育人才  
 則有天子之大臣在若僕者守一官且不足以修理况如  
 是重任耶學問有暇幸時見臨愈白

至鄧州北寄上襄陽于頔音迪相公書

伏蒙示文武順聖樂辭夫寶樂詩一作讀祭琰胡笳音加  
 辭詩秘族徒井與京兆書自幕府至鄧之北境凡五百餘  
 里自唐本無庚子至甲辰凡五日手披目視一作口詠其  
 言心惟其義且恐且懼忽若有亡一作不知鞍馬之勤道  
 途之遠也夫澗谷之水深不過咫尺丘垤之山高不能一  
 能踰尋丈人則狎而翫之及至臨泰山之懸崖窺巨海之  
 驚瀾莫不戰掉其季切慄一作慄眩惑而自失



所觀變於前所守易於內亦其理宜也閔下負超卓之奇  
材若雄剛之俊德渾然天成無有畔岸而又忠貞躬乎公相  
威動乎區極天子之毗諸侯之師故其文章言語與事相  
侔變化一作若雷霆浩汗若河漢正穀諧韶護勁氣沮金  
石豐而不餘一言約而不失一辭其事信其理切孔子曰  
有德者必有言信乎其有德而一無且一作有言也揚子  
雲言曰商書灝灝音浩爾周書且噩噩音爾信乎其能灝灝  
而且噩噩也昔者齊君行而失道管子請釋老馬隨之樊  
遲請學稼孔子使問之一作老農夫馬之智不取於夷吾  
農之能不聖一作於尼父然則字且云爾者聖賢之能及  
農馬之知專故也今愈雖愚且賤其從事於文實重且久  
則其贊王公之能而稱大君子之美不為僭越也伏惟詳  
察愈恐懼再拜

大西八十八

韓文十五

六

仲

為分司郎官上鄭餘慶尚書相公啓

愈啓伏蒙仁恩猥一作賜示問感戴戰悚一作若無所容  
措然尚有厥誠須盡露於左右者敢避其煩瀆懷不滿之  
意於受恩之地哉愈幸甚三得為屬吏朝夕不離門下出  
入五年竊自計較受與報不宜在門下諸從事後故事有  
當言未嘗敢不言有不便於已輒吐私情閔下所宜憐也  
分司郎官職事惟祠部為煩且重愈獨判二年日與宦者  
為敵相伺候罪過惡言詈辭狼藉公牒不敢為耻實慮  
陷禍故前者懷狀乞與諸郎官更判意雖甚專事似率爾  
言語精神不能自明不蒙察允遽其以慙歸備俛上音日  
日遂踰累旬私圖其宜敢以病告鳴鳩平均歌於國風從



事獨賢雅以怨刺伏惟俯一無加憐察幸甚甚愈再拜

為河南令上留守鄭相公啟

愈啟愈為相公官屬五年辱知辱愛伏念曾無絲毫事為  
報答效日夜思慮謀畫以為事大君子當以道不宜苟且  
求容悅故一有於事未嘗敢疑惑宜行則行宜止則止受  
容受察不復進謝自以為如此直得事大君子之道今雖  
蒙沙汰為縣固猶在相公治下未同去離門牆為故吏為  
一無形跡嫌疑改前所為以自踈外於大君子固當不待  
煩說於左右而後察也大有告人辱罵其姝與妻為其長  
者得不追而問之乎追而不至為其長者得不怒而杖之  
乎坐軍營操兵守御為留守出入前後驅從者此真為  
軍人矣坐坊市賣餅又稱軍人則誰非軍人也愚以為此

杜詩

韓文一五

七

責

必姦人以錢財賂將吏盜相公文牒竊注名姓於軍籍中

以陵駕一作府縣此固相公所欲去奉法吏所當嫉矣雖

捕繫杖之未至過也昨聞相公追捕所告受辱罵者愚以

為大君子為政當有權變始似小異要歸於正耳軍吏紛

紛入見告屈為其長者一無安得不小致為之一作之意

乎未敢以此仰疑大君子及見諸從事說則與一有小人

所望信者少似乖戾雖然豈敢生疑一有萬一必諸從事

與諸將吏未能去朋黨心蓋覆黜其黑也劉伶客舍詩

黜元不以真情狀白露左右小人私受恩良久安敢閉

蓄以為私限不一二陳道伏惟相公憐察幸甚幸甚愈無

適時才用漸不喜為吏得一事為一作可自罷乃罷一無

二字一乃去不啻如棄涕唾無一分顧藉心故失大君子

恨



織芥意如丘山重守官去官惟今日指揮愈惶懼再拜  
音註韓文公文集卷第十五

三二

韓文一

八

責







